

南湖集

三

重

4082.5

2714.1



國立臺灣大學圖書館典藏  
由國家圖書館數位化

南湖集卷第七

秦川 張 鎡 功甫

五言絕句

桂隱記詠

并序

淳熙丁未秋僕自臨安通守以疾旬祠既歸桂  
隱遂捐故廬爲東寺指新舍爲西宅南湖以經  
其前北園以奠其後因枚立堂宇橋舟諸名各  
賦小詩一篇緣題述興不拘一律區區樂閒之  
心聊用以自見云

桂隱

未說花開好團看葉自奇明朝非願避愛樹恐相離

東寺

數舉營巢債纔成作佛廬隨堂展單鉢均是道人居

北園

地勢本居中因湖別南北三十六計中吾今計爲得

山堂

誰無數椽屋蓋成多是俗如此亂山中非關松石竹

高寒堂

下瞰東鄰寺鐘聲殷兩山貪吟嘗忍冷薄夜不知還

安閒堂

不作風波民已鑄赫胥印同好豈無人望崖行少進

翠樾堂

寶畫光騰處喬林更碧巒權衡主人福壓盡世閒官

清夏堂

夜月三杯色晴荷十畝香若教興世念不甚覺風涼

在錦

池邊

尙友軒

相別音書斷相逢語話稀平生膠漆處正要世情疑

煨芋軒

煖坐無寒涕窗油雪釀明地爐糠火熟飽聽亂松聲

殊勝軒

杜老詩中佛能言竹有香欲知殊勝處說著早清涼

傳經軒

香炷對清晨微言得問津所師非傳癖手澤仰如新

讀易軒

大易緣何有難逃此問中不從橫畫會爻象總能通

詠老軒

因看上下經便無煩惱事  
慈儉不爲先躬行五箇字

真如軒

窗外植  
巨竹

翠竹是真如目前須薦取  
恁麼做禪和被人輓似鼓

易容軒

世界無非我心懷卽是天  
玉堂并草舍何地不安然

泰定軒

觸處天光發何嘗離定中  
問云誰散亂又道主人公

玩芝軒

陰洞親尋徧燈驚蝙蝠飛  
堅明敲紫玉一似采時肥

石林軒

濯濯何年有先公手種成  
至今揩痒虎來認讀書聲

俯巢軒

化國舒長日林隈分外知  
年年庭蔭匝數徧鵲尋兒

書葉軒

拋絮輕於柳棲禽不待凰  
題詩非勝紙畱詠託枝涼

靜賞亭

阜隸百輕肥金朱彈丸篋  
君方踞胡牀風掀緗冊葉



擁山亭

揜抱復回環亭居紫翠閒思量天下物誰更好如山

撫鶴亭

立縞芳桂陰置汝固已當他年莫姓丁止厠子姪行

俯鏡亭

喚作大圓鏡波文從此生何妨雲影雜榜樣自天成

依綠亭

月出煙暝時水調誰家唱短櫂欲相尋先經此亭上

雲外亭

芒屨方疑溼天晴迳又乾  
由來雲在下木杪是欄干

沙際亭

小檝輕撻去無人伴  
此翁午煙青一點魚虎出深叢

鱸鄉亭

溪叟挈笊簪曾來候  
此亭未知余不殺剛要著魚經

摘霞亭

霞卽杏也

一片吹來錦人言是杏花倚欄堪把玩  
勝似日邊霞

瓊萃亭

莫羨海棠色聽言著子時  
驪珠千萬顆撒向嫩桑枝

粲金亭

杷枇

柘彈黃金子誰將滿樹裝  
珍禽來往慣風落不驚忙

滿霜亭

霜卽橋也

疑駕洞庭颿纍纍看繞山  
花時芳氣潔伯仲素馨閒

聽鶯亭

不向他園去能來共竹林  
故鄉知我念特地奏秦音

松橋

欲向松閒去梅西竹塢穿  
莫言吟興在風雪灞橋邊

竹橋

新篁故蒙叢惡草剛蒼翳刪薙似少恩成渠玉無際

柳橋

初因橋種柳卻用柳名橋桂隱從茲入春風莫浪招

平橋

橋向平邊度風從闊處來冷然旬五日無去亦無回

興遠橋

窈窕或崎嶇不是邯鄲步因來此凭欄又送孤鴻去

歸喜橋

半歲吏塵役天書教放歸思量難報稱安穩飯和衣

靜樂廬

城市非無地如何此結廬一家耽靜樂兩個水邊居

心足寮

聞道華胥國依稀似醉鄉近來參得透睡穩不因牀

茂光臺

風日清美時月露澄爽際能來此徜徉掃除聞見翳

安樂泉

潛通大壑水一杯千慮散只因都放下如熱病得汗

鵲泉

鵲飲樹底泉人立石邊路相親不相疑所性平等故

樵徑

路入前山處蒼苔裏石稜不逢負薪叟時見隔林僧

霞川

澗兩岸  
種桃

方舟臥看花丹霞二三里窮眼謝元暉休言餘散綺

檣蘋舟

玉立蜻蜓小香欺漫港秋百年清絕意孤櫂抵封侯

戲答客問

桂隱芙蓉盛柴門日日開若無詩與酒不請看花來

題松身

不見蟄根時唯喜蒼陰覆借汝葉閒聲當我風信句  
前後植木犀樓上有月臺盡見諸山

盛世適親逢樓臺得地雄無形兼有象俱在太和中

登春陌

花柳豔通津幽居日日春門前往來者同是華封人

香玉花

髣髴是茶藤金沙著白衣香於佛見笑大似野薔薇

題水墨畫水仙木犀

翠奩擎金釵香風動寶車几閒莫輕覷故故薄雲遮  
昔年風露鄉裙破鬱金黃別來參祖意壞色染衣裳

題瑞香花扇

夢裏誰曾見香篝紫繡蒙枝閒兩飛蝶我共漆園翁

沉星槎

鼻祖尋河源織女喜停機我不願上天湖中亦忘歸

題平甫弟梁溪莊園

兩字雖差遠花繁好作名假饒千萬偈難狀爾多情

茶谷閒步



自攜折腳鐺煮芽仍帶葉客至請渠嘗俗塵消曠劫

澗西閒況

曲曲通航小蘭橈手自移映叢憐白鷺特地過灣遲

同王夢得夜坐

何處起香雲清談我與君雨來臨水坐魚躍隔窗聞

晚興

江漢舊名侯飄蕭髮未秋時榮那似此天地入詩游

道經寒蘆港

蘆深可藏人下有扁舟泊正似洞庭風日暮孤帆落

戲成白髮二首

怕見人言老梳頭夜二更誰知燈燭夜漏逗愈分明  
朝朝摘白髮新生亦非黑縱使白不先禿翁還諱得

秋夜

人閒睡正濃月到脩髯底三伏凜如秋蒙頭思衲被

約齋

博學非能事詳言道轉乖只因省氣力處處是吾齋

贈道士

虎向深淵繞龍歸猛火蟠崑崙飛日月奚但鼎中安

過鶯脰湖

曉霧濛鴻合山藏岸絕痕浩波吞日去金晃玉乾坤

珍林

李棗栗銀杏橙梨柿木瓜楊梅與金橘不讓滿園花

并閩嶺

稍叢暮氣升還爲露珠滴暗響出林隈鏘鏘小金石

藥溪

野藥隨宜種芎苗嚼最香屐痕休厭數橙樹逐溪長

南湖

胸中詩本慳天教專一壑萬景休全來老夫重然諾

六言絕句

小疾六言

風雨溪山數宿歸來盡上聲有佳晴小疾何妨隱几隔窗

嬌聽鶯聲

淨相蘭若僧師雅持塑佛疏緣化贈山偈二首

居士賣屋爲宅

舊嘗鬻傲舍成桂隱誅茆之計

蓋成舍與瞿曇尙自無

錢結裏何能轉施南山

一語雅師聽取插草已自完成況是三閒殿了如何卻

欠金身

七言絕句

丁未立春

今歲春逢底處回  
非關緹室動葭灰  
幽人昨夜池塘夢  
已見新春草際來

歲旦立春

天心歷數本相同  
何事偏窺造化功  
蒼震欲承乾健力  
歲端春肇一時中

授受須知道  
一同機緘默運仰  
神功重輪赫日當天照

萬國陽和淑氣中

贊美平時萬口同  
聳觀造化協天功  
聖朝家法皆仁德  
寬大應符帝詔中

從此車書看混同  
王春丕見四時功  
八千豈但莊椿比  
宸極光符萬歲中

寶翰鍾王妙與同  
虎龍騰躍更新功  
詩成秦觀如佳兆  
適契青宮得意中

結宇城隅野老同  
只將歌詠紀元功  
枯荻亦喜春回早  
爲在條風振拂中

春風

春風日日過東牆  
睡起人閒蝶自忙  
吹盡玫瑰能底惜  
只緣銷去一年香

淳熙己酉二月二日皇帝登寶位  
鎡獲廁廷紳輒  
成驩喜口號十首

曉色葱蘢麗建章  
今辰天地不尋常  
中宵若沒陰雲蔽  
應見前星日樣光

只似閒時朝殿來  
華駒徐步轉東街  
銅門已見飛騰象  
先下渾銀兩字牌

深嚴黼座瑞光中  
髣髴遙瞻穆穆容  
特衣赭袍緣底事

是日壽皇吉服先就座

御天嗣聖欲乘龍

宣召班排過隔廊  
聳聞神器授儲皇  
只將揖遜爲家法  
我宋眞宜萬代昌

百僚重入賀新君  
億載從今仰大昕  
文德豈惟循舜道  
武功行見放堯勳

聰哲從來簡帝心  
萬方臣子合君臨  
東堂議事猶經歲  
仰體慈皇屬意深

和風淑氣夾鍾初  
壽域重開際八區  
不戰自令邊徼服



喜看風動嬾唐虞

聖父移居太母傍  
鑿輿躬侍襲龍香  
乍從黃繖窺天表  
愈覺英姿似壽皇

黎庶曾何帝力知  
七旬三入又寧時  
春寒誰怕妨花柳  
一日東風萬國吹

小臣奕世沐深恩  
寓直蓬山三十春  
空抱一編無所用  
也叨拜望屬車塵

敬和東宮春日泛湖韻

空林飛翠逐絲輕  
瑞日重光特易晴  
歲歲都人望行樂

六旂遙映百花明

敬和東宮早梅二首

月質風裳不受塵，獨從天上巧呈新。  
情知壓倒橫斜語，青震專回萬木春。

乾坤連夜玉爲塵，照映冰容面面新。  
句妙莫疑難屬和，眞成白雪對陽春。

正月初四日聽新樂成絕句

鼇抃鈞天沸，廣場渡江何翅紀。  
鏗鏘頻年遏密無，悰緒樂叟閒來說太皇。

治音安樂紹熙初試聽咸韶可竝驅鼗武磬襄奚足數  
作成從此不愁無

嗚嗚胡笛鷓鴣聲三疊鳴鼉舞裊輕燈市花村舊歡醉  
如今自厭邈無情

壬寅立春

經旬寒雨正霖霖纔轉東風便冝晴我自西疇心念熟  
不須學稼始歸耕

蓼醯蔬餅媚晨羞一飽寧知老到頭但聽兒童語聲喜  
黑頭青角看泥牛

堂中安奉高宗壽皇今上御書碑

路轉脩林特地殊  
九光霞氣羃仙廬  
蒼瑤不刻飛天篆  
盡是三清玉帝書

集英殿立侍觀進士唱名六首

早放天扉一刻開  
更聲初斷雨聲催  
不因變化魚龍日  
焉有風雲轉首來

山繞彤城瑞霧凝  
催班曉色漸分明  
龍門肅立章身別  
得著銀袍卻最榮

君王策士幾臨軒  
好學隆儒古莫肩  
忠鯁盡將裨治道

不令鼂董譽空傳

青衫如草照春塘爭傍龍墀捧敕黃  
功業便從今日去莫教人道只文章

先世親題雁塔名宦途漂泊最關情  
難將此語逢人舉歸問寒齋舊短檠

科目從來本自寬才疎祇合作麤官  
雕蟲半世將何用可惜南湖負釣竿

讀韓非傳

諫鼓招言事葭聞昧時自驚更紛紛  
胸中著許隄防策

不救危身冑濟君

題挂劍圖

當年許與有誰知人忽上陵我獨悲  
遜國曩時猶易耳不應畱劍使心欺

孟嘗君

狗盜雞鳴卻遇知可憐眞士不逢時  
詩書若作空言看鳳至鸞游孰致之

題趙祖文畫

破煙飛鷺不排行林外青山闕曉光  
村犬吠人循岸走

見成詩句省思量

送馬舍人赴建康軍幕

柳營謀客自楓宸去去尖風雁字勻莫把吟詩替橫槊  
新亭北望正愁人

陸嚴州赴召喜成三詩

精舍欣聞已解驂風檣不易到江干一緘試讀幽人語  
莫作時情賀禮看

榮辱心中總不疑因公環召獨成詩祇愁相見無多話  
不似尋常夢裏時



知己從來自有天除書寧復待人傳青雲直上非逾分  
占上聲名五十年

點視馬驛因成兩絕

別駕今晨檢驛亭道迎羸卒破銅鉦當年錯做書窗夢  
蔽日旌旗出塞兵

萬里關山過險巖風廊聊此憩權奇天開徑上從茲始  
想見長鳴振鬣時

武子得監左帑歸甬東待次

看湖初過月陰陰同望燈塵話夜深帆向西回人便遠



再來華近莫相尋

簡馬莊父

才名曾道相君知  
少忍黃梁數日炊  
堪笑南湖愈疎拙  
相逢無話說多時

何氏書屋

誰云學宦不同源  
人鏡風流百世存  
想見當年臨案牘  
必無書限誤成根

憶夏墟山園

松處築亭何日見  
霜時開徑去年行  
速排忙事成幽事

已覺貪山浪得聲

題郭水堅畫美人二首

從來憨態再難宜  
只把紅綃映雪肌  
自是一枝香杏了  
莫嫌都不帶花枝

雲髻釵梁倚鬢鴟  
玉溫冰潔射鉛華  
欲知占斷人間韻  
便是春風最後花

謁陸禮部歸偶成二絕句

欲識清狂自在身  
關門湖上獨經春  
今朝正接黃梅雨  
卻出衝泥訪故人

有口寧論黠與癡相投無過只談詩要知此客非忙客  
欲去遲回尙讀碑

有懷新筠州楊祕監寄贈八絕兼桂隱茶

老子生來鐵面皮要渠嬉笑莫歌詩可憐百巧卿雲手  
拙直今年一奏詞

送公蕭寺意徘徊衆客登車不忍歸明日尙將詩寄我  
要令鶴骨轉難肥

聞道忽忽不住程如今應已到鄉城亦通朝路音書不  
朝外可能空舊情

初時華節漕江東臺閣爭留省閣中換得一州如斗大  
便無人挽信詩窮

少有羊曾踏菜園更教清苦嚼筠根何如添得如椽筆  
就向西江一口吞

蟹寒蚓叫亦何心老賊奚堪領活深

誠齋嘗戲予云非  
子詩中老賊也

是交遊無遠別幾回因此慘離襟

諸子分鑣不待鞭愈憐肥犬滿人前何須妙處趨庭說  
心學乘閒盡底傳

茗芽封去且隨書林下多慚好物無鼻孔撩天猶得在

卻須持贈竹香爐

新詩

飛雪年年似故人相逢真味一番新  
別來莫問塵寰事鬢色幾如雪色勻

一酌橋亭卽便回雪黏桃樹學疎梅  
若教湖上鷗來了此日真須三百杯

回至泰陽村得家信二首

乾鵲飛鳴遶路隅長須迎望果持書  
雞豚本自無煩餉七日山行慣食蔬

桂隱聞知得雨來  
榴花應對竹光開  
歸家早見南湖月  
飲水猶勝舉酒杯

崇德道中

破艇爭划忽罷喧  
野童村女闖籬邊  
令人說著蘇隄路  
花滿清明畫鼓船

羊蹄根老漫溪潄  
灰蝶閒飛興亦深  
春色醉人勝似酒  
覓詩天氣要微陰

疎籬遮竹竹難遮  
臥向溪流一桁斜  
綠底睡鳧應自愛  
起來搖翅各成花

枸橘花繁雪有香風吹成陣入船艙若教知我園中路  
不肖芳菲驛舍傍

曹村觀落日

日欲西時暮靄凝何嘗落向遠山層分明萬丈青羅罽  
遮卻銷金罩裏燈

五家林四首

放鴨成羣趁暖暉村童遮護只狂飛多多益辦真難事  
半里撐船趕不歸

岸轉欣逢擊擊兒蹙成千步響琉璃沒波豈但尋魚喫

水不能濡只我知

草木敷榮怕入秋霜天卻自不窮愁彈丸都把黃金鑄  
亂挂枯疎凍樹頭

散亂飛鴻掠快晴噉噉那復苦寒聲定知已入新詩了  
纔過余舟便不鳴

車中間人說谿澗如水晶色口占一絕

澗水流如活水晶道傍一語喚人醒山林未必渠能說  
說著山林便可聽

題禹廟二首



從來大智特閑閑手足胼胝意不艱  
千古夏王崇廟祀  
濬川功用只隨山

爲人心切屢忘家  
力量方知有等差  
莫信空山葬冠劍  
且吟古屋畫龍蛇

自錫山歸舟中三首

牆上天桃竹頂齊  
矮橋橫水屋橫  
陂主翁受用三竿日  
門外催租總不知

破驛遙臨放馬場  
兩鷗飛下更蒼涼  
東風莫起雕鞍興  
白髮欺人念故鄉

帆腰風便得歸程天末層雲暗又明淺色雞兒深色草  
知誰教汝喚詩成

宿上湖

落日烘蒙紫翠閒舟人遙指洞庭山雲情水態明朝看

且伴新蟾宿柳灣

望亭夜泊

新月何曾展畫幃便教星斗避寒輝思量自在天公最  
昨日峯頭有雪飛

石門小泊

近村非少茂林枝十二鳥巢一樹棲應恐此閒難覓句  
預先畱作我詩題

潘茂洪借屋地主催起僕以山園暫假寓泊書兩

詩送之

竹栽方訝不成陰寸地城中果寸金莫使無家輕發歎  
北山園裏翠煙深

種藝吾方屋數閒圖書雞犬稱君閒徑攜桃葉航湖去  
別有新居卻載還

行次德清

波鳴船板喚晨興  
倦睫揩摩得夢醒  
到縣陰晴休更問  
野禽聲已喜人聽

浮圖立處覺天低  
迎我舟行十里時  
不是前山明復暗  
那知頭上白雲移

漸涼山水倍清華  
不說漁樵亦自嘉  
好是趁人全省力  
龜溪纔過又荷花

攜楊祕監詩一編登舟因成二絕

今日何曾獨自來  
船中相伴有誠齋  
須知不局詩編裏  
妙用方能處處皆

造化精神無盡期  
跳騰踔厲卽時追  
目前言句知多少  
罕有先生活法詩

相士陳邦彥覓詩

眼力知君已絕倫  
奉傳一法便通神  
看渠天爵高人爵  
方是人閒富貴人

行次下渚湖二首

綿延蒼岫補林空  
菱荇通船萬鏡中  
黃白花明如繡出  
蜻蜓猶愛蓼成叢

野童綠草牧鵝羣  
詩料今朝得幾分  
俯仰縱橫皆合律

雲如層樹樹如雲

雜興三首

迢遙秦隴舊家山  
百萬貔貅擁節還  
讀盡一編時自許  
西風吹夢玉門關

小圃秋光不世情  
蠹枝枯枿忽重青  
凌晨自灌銀牀水  
居士新看種樹經

細讀南山扣角歌  
機鋒投處幾曾多  
道人不踏門前路  
敝帚其如自愛何

園步雜興五首

懽意千尋孰與齊恰如穉子候門時八旬半載爭多少  
匹似淵明已較遲

豆籬黃葉被蔬田靜極情懷似黯然居舍又從東壁看  
柳梢濃處起廚煙

無風寒色自淒迷晚日低籠一徑微竹裏鳩藏初未覺  
小車行過忽橫飛

池心誰放葉舟橫蓮蘂還如入夏生病起一天雲意好  
淺陂閒讓鹿先行

園中荒穢漸平治老子何妨鬢有絲從此五行無晦氣

一閒成就萬篇詩

立秋後一日池上雜興四首

漁舟閒上揭疎篷倚徧茗華岸岸紅兩日新秋涼便覺  
費人詩句是西風

船舷何事若輕雷盪葉衝蓮一道開莫待歸時方命酒  
徑從花上遞金杯

小娃猶記喜歸時故唱前年自賦詞但得池邊鷗鷺聽  
更須門外野人知

冰輪灩灩湧東牆魚觸波紋破碎光十萬人家眠正熟



誰知涼滿一胡牀

道傍叢祠榜云老人廟

里俗崇祠想報功袍鞞包裹雪髯翁休嗟事始無人識  
縱有豐碑亦是空

南湖集卷第七

十一月十八日壬辰寫訖計五千  
五百六十八字仁和陳性安記



南湖集卷第八

秦川無張  
鎡果功甫

七言絕句

次韻京口叔祖見寄四首

欲訴中心話許長尺書恨不寄于張  
新篇喜逐東風好  
變盡人間草木荒

山堂初轉稱婆娑曲徑移栽雜樹多  
應是我翁歸舍後  
便登繁要亦來過

病起逢春自獻酬醉狂詩體類俳優  
追攀雄傑誠堪笑

寄去稽遲更合羞

汲古初無不讀書屠蘇新製帖僧廬癡禪晝夜蒲團上

貪睡猶勝學宰予

次韻酬王之孟見贈

相逢未問有詩新識得全然少得人莫怪世閒多不愛

翰林憔悴少陵貧

次韻姜邦傑見訪畱贈三詩

飽看朝霞與暮雲一丘一壑大無塵關門果是倦迎客  
倒屣還因有句人

繞林游徧更浴陂薄暑車行不下帷最喜竹君相伴久  
見渠生子子生兒

何曾一事擾中局醉便投牀夢亦清書卷猶嫌舊時習  
未能熟處放教生

次韻呂浩然四首

小築茅堂亦有廳規摹林野自然清仙風道骨真人後

過我因除喝道聲

李義山謂松下  
喝道爲殺風景

作詩誰道有梯階當下由人肯放開字字不爲聲病縛

知君得處自天來

秋水清來不釣魚，有時遮眼強尋書。  
過從閒客猶全少，況是朝官更合疎。  
天然風景異人爲，門外南湖不姓西。  
指日芙蓉盛行發，何須出郭看蘇堤。

過野翁亭因登峯嶠山憩崇壽院僧軒共成四絕

句

古縣依山愜乍游，欲行因路始窮幽。  
攬空石壁樛林合，更做行程急也畱。

溪流逢旱息潺淙，野約橫趨亂石中。  
莫恨鐵冠人已去，

我來權合號山翁

甲子峯高正屬連白雲騰涌似爐煙羣仙若訝歸來晚  
只躡雲根上碧天

巖隈蕭寺得躋攀數翠邀嵐不復難已向城中專一壑  
更須隨處款青山

舟過良渚

船出脩門未有詩直須鳳口汎晴溪緣何解景方吟得  
拙句頻年不立題

南湖有鷗成羣里閭閒云數十年未嘗見也實塵

南浦集卷八  
中奇事因築亭洲上榜曰鷗渚仍放言六絕

居士園門甚處開  
傍城猶未著樓臺  
門前湖水三千尺  
引得沙鷗亦肯來  
旋開斜港放船出  
更著小亭臨水看  
軟紅塵裏江山景  
便著丹青畫亦難

東家西家翁媪說  
白洋湖自有多年  
何曾識見江鷗至  
消得主人詩興顛

朝陽鳴鳳國之祥瑞事  
吾家鷗鷺行最愛幾聲煙外響  
和他漁艇獨敲榔



十五年前過揚子爾輩出沒波濤中爭知今日得其佳  
急喚酒來澆晚風

不因他處食無魚來慰先生索寔居走筆贈詩君莫笑  
從游此事最相於

出城二首

只道南湖沒樣奇出關又有許多時便須鈔取天然句  
纔下工夫走卻伊

扁舟初上一聲雷兩岸濃雲亂欲堆堪笑此時晴太早  
篷遮未定雨先來

以桂隱櫻桃從益之博紅酒詩

聞道君家琥珀霞  
杭州那更說梨花  
櫻桃顆顆堪持比  
換取一尊來水涯

新市道中

野晴天碧共溪長  
畫樣飛來白鳥雙  
舟小不驚風罨岸  
菰蒲無數入篷窗

夜聞漁歌

非竹非絲響裂空  
高歌三唱出漁篷  
清谿激越猶如許  
想見湘波欸乃中

訪安福寺叶上人

蒼苔徑入舊栽竹樹裏橋橫新鑿池  
丈室穩居清絕地豈容支遁不能詩

西莊夜歸

草聲真似過田閒唧唧蟲催興未闌  
珍重小輿能從我夜深穿徧竹陰寒

題本覺寺

繞架蒲萄葉尙稀瓦爐閒炷柏煙微  
年年綠暗軒窗意卻恨春風不早歸

一徑橫穿蘚翠封，滿空聲動玉琤琮。  
林居豈是無脩竹，未有清陰似此濃。

題圓覺寺跳珠軒

籜龍來向石根蟠，幻出摩尼躍翠盤。  
今日山中晴亦雨，可無風過發清寒。

清明日書亦菴壁二首

春情緣雨復緣晴，晴即閒行雨即吟。  
花好滿園看未徧，出牆鄰樹又關心。

光陰高柳欲飄綿，拂著薔薇錦壁連。  
莫道行人總無識。

定因羅爵愛門前

題南山劉家寺松雲軒

紅蔕牆頭蜂過葉翠藤池面蟻行枝  
暫來數刻有餘興  
若住此軒何限詩

尋桂南山至崇壽院因往靈石三首

折枝登几已孤妍况值風林水石邊  
犖路斜飛蓋歇  
丁寧茅店略停煙

迎客山僧未下廊好風吹鼻便生狂  
莫疑佛宇清芬烈  
蒼蘂曼殊共借香

山頭藤斷空垂子亭下泉荒不滿池老衲坐來知敬客  
南音猶記鬼仙詩

閒步游紫極觀

孤榜前春冰雪清山祠閒步意無營曾耽幽槩穿廊曲  
猶記筠冠問客生

鐵行者

阜林普濟院老僧每初睡時以义頭釘夾紙燭真案上名鐵行者

僧舍生涯只且然養他行者不須錢龍潭莫問僧參得  
吹滅燈時各自眠

彭祖嶺道中

白鷺橫來正作羣忽從區稻綠閒分問渠曾過城中否  
應識南湖水際雲

曾幼度許過訪兩詩問訊

寒窗不住閱清文煉石真爲五色雲拄杖橫擔東魯教  
長安今次欲誰聞

詩不能工張約齋有人會說訪渠來病餘百拙慵開口  
願聽晴空起怒雷

暑行

誰敲白石生熱煙舉頭見嶺思回鞭脩竹林閒有寒螿

莫打渴烏教近前

水邊

翠藤縈樹夕花明  
無數圓荷貼亂萍  
酒力半銷來照影  
晚風輕澹鶴梳翎

晚眺

小閣梯檐竹作籬  
晴陰登眺百般宜  
懸知皓月升雲海  
不賦如鉤似鏡詩

觀水上斜照

吹落天河入水中  
分明金度晚來風  
若非日腳流成汁



平楚青還染得紅

題山長菴

相國歸來未肯閒自將日月煉成丹  
思量漫把黃金鑄一段精神畫亦難

臞菴書事四首

畦丁相引繞園行指說亭基不記名  
因想後湖題柱處樹林曾見作詩成

老藤橫路幾星霜骨相清堅壽自長  
敢憚側巾方可過折枝爲子也何妨

曲澗斜穿竹再奇豈容長夏有炎曦林深縱怯湖風猛  
更爲支筇立少時

人生富貴盡浮雲何必須因不義分若有一丘能作主  
更慚寇鄧立功勳

送客至無相蘭若歸過慈雲嶺小憩崇壽寺書所

見十首

故殿簷陰石滙泉針魚苔淨樂回旋持杯挹取雖無暇  
照影心腸更灑然

野香別是一般風驀直平岡好翠松更許虛空畫山水

細鋪霞浪襯雲峯

山腰路轉涌蒼蛇山下脩筠媚白沙正要澄江舒倦眼  
莫教緣岸有人家

嶺度慈雲境界涼前看湖面後看江詩魔半晌難調伏  
除是休來卻易降

南山好處劉家寺門裏松篁一徑衝自有禽聲喜迎客  
不須知事更鳴鐘

老僧分袂倏三年猶記芳池躍翠泉新疊兩山都未識  
北堂引看更東偏

支徑坡陀竹最多  
籜龍纔起更成窠  
穿嵐觸翠坳塘出  
一片香來得嫩荷

井分泉脈透巉巖  
誰道飛流是假山  
水鳥樹林皆作供  
可憐居士只偷閒

亭橋兩面看芙蓉  
靜數波閒小隊魚  
碧幃彎環遮去路  
淨天終待此同居

欲歸停馭重徘徊  
破費林閒雪一杯  
畱取半山看未了  
大雲時節約重來

過楓橋寺

妙絕吾宗有舊題  
趁晴徑過敢畱詩  
尺消記取今朝景  
不是烏啼月落時

聽琵琶

四弦么鳳雜雛鶯  
不作商船塞路聲  
花影透簾清晝夜  
細將攏撚說多情

紹興閒國工胡偉  
琵琶擅稱一時其  
徒豪興得胡心傳  
之妙今年七十二  
清健伎益精從容  
話故都事使人感  
歎因書小詩與之

半生繁會想梨園  
醒耳秋風鳳語弦  
我亦秦關歸未暇

休論舊事汴河邊

許道士房

涼蟬亂叫朝暮雨獨鶴不迷前後山  
芎葉煮湯勝茗椀  
栗花然火稱松關

得家書

北堂萱獨雁行疎旅夢通宵只敝廬  
未暇拆封忙喚僕  
先將安否問何如

玉塞金河阻去程醉中嘗夢賦西征  
天時不與人心合  
獨守寒窗數雁聲

風沙來往稻粱謀江北江南一歲遒非爲紅樓斷消息  
待梅暗候自清愁

雨中聞雁

小雨終朝溼翠霏渚蒲汀樹白瀰瀰若嫌鳴雁無厭足  
回到潮州又索詩

看雁

曉晴羣雁欲何之正是青天似紙時橫斜數行有聲字  
服殺虛空解作詩

張以道歸自甬東先餉土物兩詩爲謝

梨柿魚鹽來海上殷勤持送與閒官緣何似得千金贈  
明日重親語笑歡

紅滿芙蓉菊滿黃連朝衰病負秋光乘除自此無煩惱  
醉賞家園一萬場

夜坐因觀楊伯虎和春字韻詩偶成五絕再寄

挑盡燈花夜未眠清寒渾忘是春天霜侵綠鬢張居士  
空坐書幃三十年

案上因翻簡鐵堆親朋何日和詩回高懷剩得清閒力  
滿紙溪山秀色開



往事追思重慘傷相從常醉德勳堂每登岷岵數鴻雁

老淚風前必數行

往高宗御書德勳二字爲先君寢堂名

宦情儂自本來無君亦琳宮暫逸居西華武夷俱絕勝

可教詩卷此時疎

茗甞從來著志和子雲寧久占煙波速歸逕上清班好

時過南湖伴浩歌

春日

銀葉煎香細雨聲竹陰行處藥花明麥光小楷臨唐帖

更有人閒第一清

寒食前一日西湖閒泛三首

豔紅香白徧游人  
花柳酣歌識太平  
野客獨諳閒意趣  
草煙空愛一川明

驟暖懸知雨信濃  
半陰臺榭碧烘濛  
何心更敢攜壺去  
孤槩微吟尙未工

衰鬢爭如竹際苔  
秋干猶記玉驄回  
短籬數尺花成簇  
一日春棕不往來

春雲

松邊寒彩過前山  
松下鋪氈坐不還  
澤物爲霖休自苦

且來相伴約齋閒

四月上澣日同寮約游西湖十絕

自得城隅水北居  
西湖幽討句全疎  
今朝掩簿抽身出  
更向誰邊不一書

清曉溟濛雨氣濃  
出關晴色便葱蘢  
層雲特爲詩人喜  
添起山頭四五峯

賣龜船小漾漪漣  
折得蘋花亦當錢  
我自滄洲隔三載  
此花風調只依然

飯餘飛蓋北山來  
上苑虛堂柳際開  
繫馬林閒寧復散

卻容拄杖卓青苔

賜沐山行策最長游  
人此日卻相妨洞天  
只得東邊賞

開過燈花斷殺腸

夾堤全少露桃紅獨  
許垂楊翠拂空千古  
蘇仙幾曾死

騎鯨時或下亭中

菱葑茸茸展翠瑣六  
橋分舞燕翎纖撐船  
捷出蒼灣去

要看山圍玉鏡奩

喜逐芻蕘禁苑東舜  
弦調處剩薰風戎葵  
學得宮衣纈

不作人間錦樣紅

察案招邀勝引多曠懷真語當弦歌聯翩逸駕知難及  
乞我扁舟著釣蓑

豐樂樓前未夕暉可堪魚鑰限城扉詩成快向歸時寫  
丹墨明朝與興違

鷗渚亭次韻茂洪西湖三詩

出城猶記四年前朝看西湖到暮煙自有南湖相暖熱  
可曾頻過六橋邊

謂蘇堤

老子看山今益工只憐雲氣不憐峯擡頭半餉無人說  
自向波心汎短篷

塵土奔忙舉世人無過白白鬢毛新一般要撰眼前樂  
泉石由來樂校真

三月望日微雨汎舟西湖四首

清明纔過雨連風著色湖山便面中草上踏青人自出  
艤船無地不飛紅

非是天慳一日晴晦明多態屬詩人雲翻畫樣洪濛墨  
波捲紋頭起突銀

倭纈簾垂柳外樓靚妝微露玉搔頭承平氣象應如此  
憶殺金明水殿游

堤樹枝條老更成豈容他處夏陰清東風不惜吹芳草  
綠滿鷺兒燕子情

南湖午坐雨作歸山堂共成四絕句

簾外青山隱樹林霎時來看便沈吟騎聲蓋色都除盡  
唯恨詩情染最深

或擬香山或擬陶有時無句只蟲號作詩藪苴猶之可  
字寫不成方是高

西山俄起一聲雷不覺如拳雨點來滴徧池中萬荷葉  
又催薺蔔海榴開



平時吾亦愛吾廬  
今雨巢禽亦引雛  
好是堦前四高檜  
枝枝葉葉綴明珠

送櫻桃與范尙書二首

誰將絳蠟千枝淚  
鎔作驪龍百斛珠  
酪盃冰盤非我稱  
敢煩西子薦陶朱

滿架醑醺雪未乾  
滴堦紅顆照春殘  
知公有意參金鼎  
馳送朝霞九轉丹

藤枕詩

爲愛江湖細雨聲  
短篷欹聽買隨行  
那堪老去便輕軟



宵羨珊瑚與夜明

詠清苦

清苦任渠詩作祟  
黑甜安爾睡爲魔  
七言賦就賞音少  
一枕覺來佳興多

寫扇

世閒功業任差殊  
心地明時自有餘  
若道必從勤學得  
當年稷卨讀何書

南湖書事五首

初來作舍少人行  
橋外如今滿市聲  
繞岸種成桃閒柳

一家和氣萬家春

過午人家起竈煙被風輕引向晴川須臾卻與雲陰雜  
不礙玻璃鏡自圓

科樹梯斜倚暮暉犬聲如蛤透疎籬謝天排出江村景  
副我憑欄一望時

水鳥鴻儔已可聽澹然分練蹙波聲成羣爭似沙鷗少  
別有高閒物外情

恍看灩灩紫金幢日腳橫瀾萬褶光吹到檻邊爭蕩激  
直疑身似水仙王

夏日南湖汎舟因過瓊華園六首

淡日輕陰曬麥天水邊閒喚木蘭船不游東港西陂熟  
爭得人知是散仙

草生荒徑沒靴深寂寂危亭蘚暈侵翠輦不來知幾夏  
野禽啼暝古松林

兩岸人家水映門誰知城裏有深村照畦罌粟紅燈密  
繞舍戎葵紫纈繁

頭上雲忙雨欲來箬篷還轉碧蘆隈中流數點沾衣溼  
便放西山夕照開

詩思渾如菖歎苦宦名那似朮羹香朝來但聽霏微雨  
自種叢櫛怪石傍

滑泥寧復問懷沙且醉杯中琥珀霞觸事背時還獨笑  
安排明日取蝦蟇

卽事

池通幽澗碧如油試水新鷺小拍浮行過坂橋花片落  
被風邀上採菱舟

旋買花栽得野香浴蘭天氣日偏長槐龍或躍無人見  
淨掃風塵置竹牀

竹院橋廊未放晴一涼生處綠交橫  
隔林休厭荷池小風葉時傳潑雨聲

書葉軒

當處心安卽洞天黃連一炷勝龍涎  
閒房幸自無人到誰放白雲來枕前  
正是桐陰雨乍晴隔籠黃鳥女兒聲  
筆牀經笥閒家具物物皆從我太平

圍繡亭

盤屈迴廊面面同頂門開竅更神通  
非關意匠玲瓏巧

示現圓融轉物功

晨步西澗

日炙芹泥積漸融一灣新漲小橋通不因野鴨飛來喜  
忘卻生涯書卷中

聽鶯亭

牆頭正對南湖柳湖柳迎風翠掃空最喜音聲爲佛事  
亂蟬賡唱夕陽中

晚步松下

人皆束縛卯申時我獨園居不必歸最是蒼寒堂下好

亂松梢上看雲飛

靈芝寺避暑因攜茶具汎湖共成十絕

城裏今年熱異常出城蕭寺未全涼  
髮毛吹盡人間暑除是芙蕖十里香

佳處湖山昔縱游繁華常恨過清幽  
今朝莫入名園去只向風蘋蕩小舟

松竹孤山處士居高風落落有誰如  
南湖放鶴能迎客景行先賢或未疎

西陵橋下最陰多花外山明涌黛螺  
開徧酒樓人未上

幾聲煙斷採菱歌

臨津臺殿似蓬萊  
柳色荒涼鎖翠苔  
萍港不知人事改  
通船如望帝堯來

白髮催愁酒量慳  
軟塵盈袂飲尤難  
小童正對茶鐺立  
堪伴先生入畫看

一色琉璃碧簾橫  
更無觴豆引飛蠅  
從渠日氣如湯烈  
不礙盆中數尺冰

撐傍羹魚宋媪家  
綠荷裹飯薦匏瓜  
元真受用非隨俗  
尙欠風前雨笠斜



高峯南北兩浮圖  
柱隱相看四載餘  
休怪出關猶從我  
有詩處處是儂居

別浦歸時捲釣緡  
蕉裳蘭佩淨無塵  
水滢秋晚重來賞  
只約春鋤不要人

園中雜書四首

因病經旬不賦詩  
無詩病思轉難支  
今朝詩句才成了  
已覺全無病可醫

大田非但仰梅霖  
百畝園中受賜深  
著子榴梢珠迸火  
放花梔樹玉抽金

木芙蓉遶岸傍栽水芙蓉滿池內開池內忽生尋丈葉  
引花穿岸入叢來

黃昏樓上據胡牀青靄濛籠總是香未說居閒南面樂  
且乘北面十分涼

園中雜書四首

春雲天上白成行春草人閒綠自香  
菴岸桃花三百樹  
碧溪休問短和長

爲要看花旋築臺海棠猶未一分開  
從今莫道晴時節  
不是晴時也合來

芍藥抽紅葉未齊  
畦丁籠鶴避花時  
始知有喙長三尺  
輸與藏頭曳尾龜

初生科斗聚如拳  
鼓吹駸駸聒夜眠  
料得魚蠻生妄想  
麴車那解口流涎

園中口占二首

荇帶荷錢漸滿池  
吹香隔岸盡茶蘼  
潛魚忽擲金梭起  
補足今朝未了詩

石楠花似碎瓊花  
只就香中便點茶  
欲識此堂奇絕處  
山林朝暮不離家

池上

綠卷晴荷插滿池  
珍禽來慣帖船飛  
看雲只似尋常立  
何獨今朝忘卻歸

波紋迴處恰雙魚  
小草花紅點綠蒲  
不是幽人相管領  
枉教造化著工夫

海榴如火發高藜  
空闕炎烈日紅爭  
似梔花渾是雪  
淨香薰透一池風

暝天雲重碧成陰  
畱得山頭一桁晴  
荷柄枯斜開鏡面  
照人欹坐聽魚鳴

池邊二絕

屢欲池邊看曉煙  
曉煙多是獨貪眠  
紅蕖似怪人來晚  
不肖回頭卻粲然

淺側荷盤葉尙新  
一蛙危坐壓荷脣  
定知不發窮愁歎  
背縷丹金踏水銀

池上次潘茂洪韻

水禽花底靜藏頭  
識我青蘋欲暮愁  
三十六陂焉用許  
一航衝岸柳絲柔

題蒼雲亭

老檜分行直瓦亭激泉巖罅骨毛醒從來廬阜太行眼  
對此須教一樣青

初聞南湖蛙聲成三詩

杏花楊柳傍清明淡沲風光畫不成春到此時須急賞  
繞堤今夜有蛙聲

競喜蒿蓬月到時莫嫌喧噪沒新奇憑誰試問波神看  
定誦南湖近日詩

皇恩汪濊及蟲魚爾得安心大澤居科斗未生休縱樂

吳儂傾聽且防渠

禁捕數年時  
亦有私釣者

綠筠軒舊在於潛寂照寺今移立縣治之東竹閒  
鑿小池植蓮爲賦兩絕

按圖得此已欣然勝趣何嘗有變遷一把香茅千箇玉  
不妨邂逅揖蘇仙

氣韻非關竹有無莫嫌清蔭雜芙蓉官居不俗從何得  
窗下風翻未盡書

分題得古木

穴處曾經起怒雷斷藤枯蘚半離披根莖託土何妨遠  
會見春風長活枝

雲露堂

種玉栽瓊樹樹勻主人心地況長春便教不假雲閒路  
亦有芳菲日日新

南湖上觀萍

風掠浮萍水面來翠綃成段接還開無情卻似多情物  
不到詩中不肯回

題荷花畫屏

芙蓉世界水爲宮宴處鏗轟沸鼓鐘後乘舞妃香十里  
月寒誰見曉騎龍



連朝

連朝溪雨溢荷塘  
流水傾銀萬葉香  
不是風吹亂花側  
那知處處著鴛鴦

次韻酬王夢得西湖上見寄

一萼香紅未破塵  
綠波驚眼自搖春  
新晴策蹇湖邊去  
供作他年畫裏人

甲辰仲冬八日元衡攜兩詩過訪及歸次韻酬送

後篇兼寄張武子

每將幽事當功名  
唯欠能詩竹裏僧  
徑寫此篇爲疏引

菴成來往豈無憑

合處疇能證不疑吾宗神秀歲寒姿無書寄便今猶懶  
說似應須倩老師

張似之送栗子木瓜

帶日零風色未乾  
宵隨槃俎鬪爛斑  
客爐爆處從氈破  
女手披時忌蜜慳

題崔慤畫白鷺伺龜

能言元緒已失計  
潛來公子尤多機  
藏頭殼裏勿自暴  
曳尾泥中胡不歸

持上人別久矣一日來訪舉似近作且言遷寓新  
房因次韻贈之

幽雲情性阿師同懶復隨春泥白紅指日茶香申舊好  
蔓陰窗戶葡萄風

曉邊

曉邊花面雨濛鬆鶯避金丸翠竹叢春半風光自擡舉  
按歌姑洗旋移宮

水蕉

龍葱舊愛谿邊樹路轉清風盡日陰窗下不生分別相

石盆秋水養蕉林

次韻酬張郎中賦水蕉四首

春去論年卒未回溪頭傳信卻先來綠牋展盡全無字  
此語何堪諭俗埃

火雲空際正巒岼漫瞰平湖百畝寬葉葉是風根是雪  
一窗因爾忽生寒

詩卷尋常要往回今朝卻怕此詩來只緣快讀清涼語  
返覺林居有世埃

往年植處倚蒼岼會蔽秋苔兩席寬別後不因貪水宿

兒孫那得許蕭寒

騎鯨橋

池港開門就作橋朱欄相望壓鯨腰風搖慢摺游溶綠  
波底何妨著霽霄

鷗渚偶成二首

晝陰無意到湖亭引客悠然試一行便有同盟數公在  
冒煙揮袂喜相迎

去去西南綠篠灣折旋遵渚又飛還輕拳擊水纖鱗起  
滴瀝波明一帶閒

從張子立覓驢二絕

蹇驢休愛鴿毛青  
指日驕驪輦路行  
聽水聽松方屬我  
灞橋風雪可寒盟

幾回曾許借儂騎  
興到牽來已早遲  
乞與南湖了幽事  
白裘烏帽要相宜

燕坐

甕面水明紅菡萏  
草頭風戰黑蜻蜓  
平生最愛游俠傳  
燕坐且讀離騷經

爲君刻意五七字  
甫壯知心一兩人  
百計縱疎終辦此

直疑解孟是前身

夜賦

月黑林閒亦自奇  
蓮花兩朶白如衣  
初疑野鷺池中立  
試拍欄干嚇不飛

題畫扇

誰將琢月揮雲筆  
偃仰江山尺素中  
眼界未舒君莫厭  
出門三丈軟塵紅

春日汎舟南湖因徧游近港坐閒書客所攜四扇  
遠近高低錦樹明  
直疑春教蝶多情  
人閒萬事思量盡

只好園居過此生

絲簧同上木蘭船細草薰薰柳色天  
要是詩方稱此不然枉作地行仙

先須放櫂繞湖游倒看行雲水底浮  
客去莫歸朝市說引渠無意作公侯

賞玩歸來日未斜門前春水綠楊遮  
園亭西畔晴尤好一色牆頭見杏花

題扇

梧竹風來玉枕涼月高偏愛占華堂  
休言境界親曾有



畫出如聞夜氣香

次韻徐衡仲餉淮白魚

漫浪功名付直鉤誰能鑿戰學焚舟隨人不但羹魚美  
解道江蟠似鹿頭

戲倣韓致光體

意嬾風前側帽簷落梅紅在麥脩纖歸家說盡單行處  
可柰溫香翡翠奩

橋亭觀月

全似蒼苔涌月輪暗林橫貫一溪明家中幻出山中景

南湖集卷第八  
圮上追涼恰二更

南湖集卷第八

十一月二十二日丙申寫竟計六  
千七百五十七字仁和高擎亭記

南湖集卷第九

秦川 張 鎡 功甫

七言絕句

方壺

在茶蘼洞中

春在壺中晚更長  
衆仙相命醉霓觴  
戲將龍腦眞珠網  
搭上周迴碧玉廊

白頭翁鳥

檜叢幽囀愜新晴  
巧好春林百鳥聲  
羽輩誤教推皓首  
細聽多是少年情

暫往嘉興離桂隱過渡

側望山來起復平  
橫衝波去碧還明  
誰言身在筍輿上  
自是乘風空裏行

暫歸桂隱雜書四首

風院簾垂颭翠旌  
茂陰疎轉表新晴  
清和自是常年景  
有底今番觸撥人

作雙鷓鴣住方池  
樂此荷錢近釣磯  
應笑主翁塵袂黑  
故從清泚浣紅衣

詩料無窮滿目前  
只須拈出見成篇  
騎兵莫道隨官俗

也解爭拏曲澗船

茅屋烟升正早炊  
覆牆高柳漲新枝  
飛綿莫便沾泥去  
舊愛疎籬雪下時

嘲蝶

柳外飛飛蛺蝶兒  
惠風心性彩雲姿  
終朝守定牆頭舞  
不得鄰家一句詩

至華藏寺先呈璉長老

切莫撞鐘領衆迎  
作家相見要情真  
亦庵自是優婆塞

知事當人定不暝

知事暝見僧  
惠洪林閒錄

薺花

薺花繁處蝶爭飛，忽憶前年三月時。  
曲水流杯人共醉，晚來疎雨又新詩。

題左顧亭

物我何曾有異同，莫言龜印偶相逢。  
水中放去爐中得，心法須知一鏡空。

安溪道中

染晴波色重於藍，烟塢人家屋兩三。  
明月在山天在水，後回休睡泊溪南。

七夕口占

涼生金井未飄桐，月戶星樓記古風。  
乞巧頻年但成拙。

懶將祈請效兒童。

老杜牛女詩  
祈請走兒童

七夕池上泛舟四首

居士乘閒養就癡，爭如靈鵲自知時。  
不從樓上求新巧，卻向船中賦拙詩。

秋入馮夷碧殿涼，仙遊十萬不分行。  
錦蜨香滿烟蒙繖，翠鳳光浮露滌裳。

柳繫荃橈句未成，撥船微動碧香迎。  
琉璃自愛無瑕翳。

不放池西一葉生

夜雨連明旋出奇  
漲平荷蓋失參差  
更教紅苔肩齊水  
要學湘妃曉浴時

龍瑞宮

陽明古罅闕靈宮  
禱雨傳聞見活龍  
可是高人不畱我  
卻從歸路數杉松

秋清

更闌何事識秋清  
歷歷江湖興致新  
犬吠數聲風外艣  
隔城同是未眠人



橋廊上作

夜半沾衣露氣濃茂林迴岸月攀鬆無人不道長安住  
卻似亂山烟翠中

千載清風笠澤仙提攜曾置筆牀邊吾行不汲長橋水  
要煮青山陸羽泉

煎白雲茶二首

白雲寺在宣城賞溪之西唐宣宗有詩云長安若問江南事說道風

光在  
水西

水西幽寺風光足山上行雲雪色明不放精英入閒草  
夜鐺嘉話得松聲

嫩芽初見綠蒙茸已破人閒睡思濃玉食會當陪上苑  
貴名高冠密雲龍

得巨筍三尺圍送王叔興

貓頭名字出長沙別號犀株豈過誇好對竹尊招二子  
藕如船大棗如瓜

得巨魚送叔祖

桃花流水正關渠雨後俄收紫鱸魚豈是齋厨真欠此  
小詩聊當腹中書

舟行觀新月

一痕如掐夕天涯望轉青林出沒時不是山高愛藏月  
月光猶嫩怯人窺

蘇隄觀木芙蓉因見淨慈明上人翌日惠詩疇贈

二絕

來訪秋花本爲詩酒杯徵逐負幽期山中句出明書記  
還了清邀一段奇

口邊白醖公家事坐上清狂我輩真會乞一閒歸故隱  
定因能賦結高人

池上木芙蓉欲開述興二首

芙蓉環望壓波明  
燕尾舟從綠處撐  
待得花成紅沓墮  
老夫天地錦縱橫

岸巾三酌便酣眠  
墮地鸞牋寫未全  
明日滿城人定說  
若無詩累是神仙

題羔羊齋外木芙蓉

慵妝酣酒夕陽濃  
洗盡霜根看綺叢  
綠地圍花紅錦障  
不知庭院有西風

窗前木芙蓉

辛苦孤花破小寒  
花心應似客心酸  
更憑青女畱連得

未作愁紅怨綠看

山堂

芒鞋疎到筍籬東  
慣得蒼苔把徑封  
已愧君詩足真味  
尙將雞肋較駝峯

王倅德遠有詩謝送菊因醅二絕

晚香烟冷萬金籬  
林下何曾必課詩  
如許簿書花一到  
便成瓊報碧雲詞

愛竹君家有子猷  
黃花君復向人求  
不妨官事兼幽事  
應笑儂歸兩過秋

九日

重陽冷菊青黃藥半醉幽人黑白頭今歲有番堪恨處  
病無詩句過中秋

麗秋花

疎翠巧裝丹鳳尾素綃輕紐玉蟲鬚春花莫把秋叢薄  
若比嬌妍總合輸

金鳳花

彩鳳連翩小作羣蕭條門巷獨留春莫因繁冶生輕鄙  
歲歲花開見主人

漫興

樂天閒適文章累陶令歸來兒子憂兩事吾今渾放下  
看山臨水更何愁

茆舍絲瓜弱蔓堆蔓陂鷓鴣去仍回開簾正恨詩情少  
風捲野香迎面來

覓句

覓句先須莫苦心從來瓦注勝如金見成若不拈來使  
箭已離弦作麼尋

憶南湖

暖雲臺觀繞歌弦花底吹香翠鬢船開處如今渾懶去  
可能心緒數年前

漁父詞

西塞山前得杖藜波晴不見鷺羣飛何曾千載同心處  
只在斜風細雨時

勝槩居常畫裏求鱖魚清夢落滄洲今朝新見桃花樹  
重振家聲是此秋

新種

新種枇杷花便稠被香勾引過溪頭黃蜂紫蝶都來了



先賞輸渠第一籌

山行

鳥飛不過人行處  
山好直連天盡頭  
下馬忽逢難畫景  
溜聲戛玉亦銷憂

謝人送白山茶花二首

韻勝初聞不記年  
偶逢俄在軟紅邊  
山礬不遇南昌老

爭得嘉名亞水仙

山茶花初因山谷得名而韻勝字亦見山谷白山茶賦近時都城未有重

此花者

屋角春聲喜報晴  
青裳玉面曉妝明  
爲君自斷天休問

依倚清香樂此生

欲移植  
書軒旁

卽目

偶然看樹過平橋老盡牆邊杞朮苗不分蛛絲與蝸殼  
也隨殘照集芳條

紅佛見笑花

芳菲成夢雨廉纖慰眼嬌紅敢浪嫌不但瞿曇當發笑  
老夫初看亦掀髯

芍藥花二首

自古風流芍藥花花嬌袍紫葉翻鷓詩成舉向東風道

不願旁人定等差

吟箋欠向此花題未信翻堦句絕奇  
三嗅蒼髯惹黃粉  
又成空對翦來枝

白楊梅

興高團雪綴珍叢  
彈火燒林一洗空  
驛騎不供妃子笑  
冰姿猶勝荔枝紅

書北廳後簷壁

重陽過後雨垂垂  
病怯新寒獨立時  
菊有萬株歸未得  
一窗來此看花枝

分韻賦散水花得鹽字

春皇遊騎玉垂鞭珠捲揚州十里簾一笑詩成休浪舉  
花如西子句無鹽

苔徑斜通砌竹鞭素光交映入湘簾若教謝女庭前種  
不道空中雪似鹽

盆橘

懶向江頭置木奴瓦盆聊玩綠垂珠何煩二老輸羸決  
始悟商山樂不殊

霜橘

半霜黃綠尙爛斑  
笑指清芬數日閒  
會得此中堪樂意  
洞庭端合傲商山

九月梅花

寂歷疎條葉未空  
忽驚冰靨照霜風  
秋來心事誰能領  
不向籬邊數菊叢

南湖賦冬青花四首

雜樹花香少似君  
雨餘風曉或斜曛  
行人不著清新句  
亦合移時駐屐聞

上林名字萬年枝  
高映宮牆側映池  
不是移根閒地種

歲寒情性有誰知

酷烈深憐格外香  
樹邊苔氣與蒼涼  
莫教糝徑渾如雪  
快向清陰置竹牀  
桂子休誇碧滿園  
小蒲萄實待霜繁  
他年隱處尋西宅  
先認冬青擁寺門

書蒼寒堂壁二首

隔竹紅梅酷似桃  
政宜脩澗綠周遭  
武陵風景何時別  
不絕人來意更高

一燈清坐欲三更  
月到疎櫺鬆明除了當欄松上鵲

無人聽得讀書聲

霜節堂

風冽前村有墮巢何心寒苦自爲高堪憐讓殺閒桃李  
只得虛堂兩字褒

園中雪夜二首

簫鼓喧闐樂夜堂寶燈初試雜花光欲知富貴天然處  
盡把園林腦子裝

急傍欄干喚酒杯卻嫌紅燭炫高臺新圖水墨兼凝粉  
展向冰溪鏡面開

記雪三首

清曉疎籬尚露根  
飯餘俄復擁柴門  
南湖水色君知否  
萬斛鶩黃貯玉盆

直教日色避寒光  
世界移來玉海藏  
何事連年無此景  
老天遊戲不尋常

無月無燈夜自明  
糝糊何啻瓦溝平  
不拖藜杖高橋去  
那得金龍背上行

水梳二首

拳石泓泉媚淺沙  
孤根蟠窟養清華  
細看六出瑤英小



蒼蘂分明是雪花

汲水埋盆便當池水梳花旺雪盈枝江湖萬里何曾遠  
祇在先生託興時

夙興

霜池微帶月痕斜風竹聲如撒細沙坐到曉窗尤可愛  
只愁烘損臘梅花

蠟梅二首

金谷園中夜罷炊照花滴蠟上林枝清芬更比寒梅耐  
不是蜂花借蜜脾

家世凌風卻月旁，別來衣變鬱金光。  
仙定遇客成子，教服三黃徧體香。

龍井山主送蠟梅

風落松釵滿礪橋，野蜂移蜜上枯條。  
道人參得山中語，不是塗黃一樣嬌。

次韻茂洪覓蠟梅

世路欵峯費折枝，退耕非我更其誰。  
真花似假無心詠，只誦涪翁舊日詩。

種蠟梅喜成

道旁方訝撲人香  
金蓓花開滿擔裝  
尙有松釵挂枝杪  
買歸偏稱插山堂

走筆和曾無逸掌故約觀玉照堂梅詩六首

纔晴便是看花時  
記事君曾有四詩  
及至花開風日好  
不聞拄杖叩疎籬

纔晴便是看花時  
天上陰晴豈預知  
前日路乾居士病  
偶妨招客酒樽隨

纔晴便是看花時  
不覺飄香已滿枝  
小道山翁如具眼

綠陰初試更相宜

架閣庫人  
號小道山

纔晴便是看花時自看何如與客期亦有數篇花下句  
苦無風味怕人知

纔晴便是看花時休問花名是阿誰藉使無梅桃杏在  
但能來賞莫嫌遲

纔晴便是看花時夜雨何堪帶雪吹春色更拚過數日  
三分餘一尚堪追

玉照堂次韻茂洪古梅

天教萼綠伴羊權羞對塵顏粉黛妍不必脩真事靈訣  
與花端合共長年

玉照堂梅花飄落如雪

陣陣翻空回旋飛綴巾沾裊卻橫吹東風祕授看花訣  
不在開時在落時

梅三首

羣玉山頭昨夢歸占祥獲應必無疑今朝暫歇鈔書課  
急爲寒梅辦早詩

驅鶴松門去卻回似知草際有香來青條紅眼纔窺煖  
拄杖先拚費綠苔

冒寒岡路透溪橋驢背翩翩雪亂飄還似去年初見處

青旗茅店恰相招

尋梅三首

紺碧烘晴水照天  
斷槎荒葑牧羝田  
數旬不踏蘇堤路  
專爲梅花跨曉韉

柴界牆頭蜂未窺  
草烟沙徑亦空枝  
要知愁結吹香晚  
鐵石心腸欠我詩

韓園邂逅一來尋  
還憶朱欄小院深

園基舊屬寶雲寺  
東坡賞瑞香詞云

小院朱欄幾  
曲正此地也

相對兩亭無四壁  
定參陶令不弦琴

春雪阻觀梅花兩詩嘲之

弄珠縈珮白衣仙遊戲塵寰占歲前卻被天公撒龍腦  
擁教無地著雲駟

雨聲俄混雪聲乾泥濘林堂一到難藉使玉肌無凍粟  
可能獨自過春寒

玉照堂觀梅二十首

一笑林閒說向春宿緣三世豈無因半生憂患摧殘損  
卻與梅花作主人  
映竹依風望最宜如無似有乍開時思量切比幽人語  
不著工夫格自奇

生怕高花易過春  
隔年先早著精神  
冰綃旋買連三幅

剩與溪山併寫真

去冬嘗畫梅屏

縱橫遙襯碧雲端  
林下鋪氈坐臥看  
不但歸家因桂好

爲梅亦合早休官

羣芳非是乏新奇  
或在繁時或嫩時  
唯有南枝香共色

從初到底絕瑕疵

六日新春一再來  
直須登樹賞花開  
攀翻徑上枝梢外

不負東風是此杯

從來嫌用和羹字  
纔到詩中俗殺人  
一片彩雲溪上暖



興隨芳草夕陽新

醉上輕舟泛綠漪  
細穿橋柱獨行遲  
風前撫掌催花發  
驚起羣飛五色兒

山際樓臺水際村  
見梅常是動吟魂  
全身此日清芬裏  
籬落疎斜不喜論

別開庭院近蓮塘  
油榭欄干小扇窗  
更取梅花瓶內插  
放教清夢月橫江

蕭然日月岸綸巾  
春滿幽園肯倦行  
一事尚須煩造物  
看松微雨看梅晴

正煖休嫌夜雨來恐花乘煖一齊開不然何事東風意  
容易吹香與碧苔

鷓鴣呼人曉夢回霽光催賞百株梅輕車不管沾泥滑  
童子從來自慣推

蒼帝妃嬪總素裝勝遊常是徧江鄉玉樓謫墮遲歸去  
冷淡工夫笑我忙

九節筇枝休化龍佳時朝暮且相從枯條豈但敲令盡  
鳥雀衝花定不忪

今夕懸知月未圓照梅已自不勝妍冰姿玉色誰堪比

除是姮娥敢竝肩

喜客能揮白玉琴此花端解古時音只防老鶴來偷聽  
引起翻雲萬里心

杯行纔到莫畱殘要向梅邊露肺肝今日正晴還有雪  
謂予不信試遙看

風調花常逐歲新苦慚詩思只陳陳吟成不敢分明舉  
生怕渠知鄙薄人

高窠依約百年餘蠹枿重重艾蒨鋪親見主人來買地  
遮番添得白髭鬚

詠千葉細梅五首

巧畱芳豔待春回不受霜飈苦折摧應對羣葩羞冷淡  
數花併作一花開

忍凍拖筇月下看烟籠繁影共汗漫細裘不是多重數  
爭柰清宵爾許寒

一枝深雪綻前村冷落猶能役夢魂況有堆林春萬疊  
傳食甘此度朝昏

光搖層蘂望晴花誰把鷺黃染練紗已是被香侵到骨  
不須呼酒但烹茶

玉砌珠攢萼翠中開時應是費東風臨摹不著詩人手  
翦綵徒勞蠹女工

玉照東西兩軒有紅梅及千葉細梅未經題詠倒  
用前韻各賦五首

昔遊嘗到海中光我與諸公各醉狂同向塵中三十載  
朱顏應笑鬢絲長  
雖嫌綠葉與青枝入格依前自欠詩幾向斜陽溪畔見  
猶將桃杏誤猜疑

一粒丹砂換骨來移根聞自浙東栽市門古巷畱遺跡

問訊仙翁定姓梅

海棠曾把比朝眠  
妃子妝慵玉鏡前  
若似此花顏色好

定教天寶畫師傳

方諸臺聳日邊雲  
望拜青童上相君  
侍女百千皆絳服

恰如簷外樹紛紛

戲題重臺梅

只將單萼綴層花  
弱骨豐肌自一家  
戴幾朶來誰可稱

寶釵雙燕綠雲斜

任道源轉示玉豔亭探梅詩卷未暇屬和閏月十

一日偶自北山塔院過亭下枝閒已花因次元  
韻三首

因花不作等閒來屐印苔紋酒便回明日窗前追昨夢  
似逢姑射不逢梅  
細看孤標迎臘瘦爭如繁豔遇春酣古來節士功名薄  
剩欲裁詩問水南

占斷林家一種春隔湖茅舍羨漁人折枝弄藥年年手  
生怕長安揖馬塵

殘梅

雨絲吹冷透窗紗  
忽忽東風管鬢華  
豈爲梅殘便無恨  
葉生時節勝看花

水閣卽事二首

水閣開窗景不偏  
斷橋堤柳盡橫前  
平生到處居人後  
已有貂璫泊畫船

今歲春來我亦來  
折花猶未見花開  
新春況有四十日  
莫怪幽人空手回

余以雪牡丹歌呈誠齋回柬云  
只得籍沒是兵家  
不傳之妙謂不和荅也  
又嘗以來日立夏問誠



齋所謂風月庫中當作何措置蒙絕句示報因  
次韻致謝併破前說云

春風欲去難畱住措置無如信野人但解有詩隨手和  
自然日日是青春

夏夜二首

燈暈紗籠靜者居夜涼攜扇繞階除松閒有句松閒說  
不向空中咄咄書

天上星辰金玉棊輸贏何日是分時多應卻笑張居士  
綺語妄言無了期

戲詠鹹蛤

鹽作棲巢涕作脂樽前風味不勝低縱教一衲被雲水  
無奈胸中著淤泥

尖簷帽

落魄青樓倒接甌醉花爭插亂紅歆如今雨墊綸巾角  
汝帽尖新卻自宜

再遊洞霄

天風吹我落人閒暫入青山又促還待得霜林收柿栗

卻來重叩白雲關

案此首從洞霄宮志錄補

失題二首

盈枝點綴雪花鮮環映清流分外妍應是東君歸騎速

不知墜下玉絲鞭

案此首在本卷第九頁元作分韻賦散水花得鹽字詩第二首詩意則是

用韻不同易寘于此以俟訂正

僧廬草劔石崖根慣見西湖不喜論安得便如居士意

移爲官舍讀書軒

案此首在本卷第十二頁元作種蠟梅喜成詩第二首語意全非易寘卷

未別俟

訂正

南湖集卷第九

十一月廿二日丙申寫竟計  
四千九百八十二字溥記

南朝集卷第六

作後世... 脂... 風味不勝... 似... 一...

... 沈...

... 詩喜... 詞... 二首... 卷... 十一...

... 西... 不... 喜... 偏... 安...

... 百...

... 水... 卷... 十一...

... 卷... 十一...

... 卷... 十一...

單位	研究圖書館
來源	水... 州... 冊
登記	71.10.61



